

Date – 28/09/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Commonwealth Parliamentary Association India Region, Zone - III inkhawmpui ni 2na chu vawiin hian chhonzawm a ni ang.
2. National Highway 306 leh 06 thawmthat hnathawh kal mek viltuten hnathawh dan an thlrho.
3. Kum thum kalta chungin Ayushman Bharat Digital Mission (ABDM) hnuaiyah Ayushman Bharat Health Accounts- ABHA vaibelchhe 67 siam a ni.
4. Kar khat dawn Israelin Labanon a beih hnuah mi 700 chuang an thi tawh.

<><><>

CPA

Commonwealth Parliamentary Association India Region, Zone - III inkhawmpui ni 2na chu vawiin hian chhonzawm a ni dawn a,

Nimin tlai khan Chief Minister Pu Lalduhoma chuan Mizoram Legislative Assembly Conference Hall-ah palai te pualin Cultural Programme leh zanriah a buatsaih.

Chief Minister chuan, hnam lam, zai leh tihdan phungte hian India hmarchhaka cheng mipuite mawina a entir a. Hnam, ze hrang hrang neitute siam ram a nihzia a tilang a ni a ti. Hmarchhaka cheng hnam ze hrang hrangte hi engtingge zau zawka khawvel hmaa pho chhuah an nih ang tih pawh ngaihtuah tlan a tha a ti a. An zik chhuahna te, pi leh pute ata an lo chhawm tawh hnam lam, zai, incheina leh ze mawi tak takte chu zahpui tur a ni lova, chawisan zel zawk tur a ni, a ti.

Chhawkhei Cultural Club, Pachhunga University College ten Lamlian Lehlam, Cheraw (Kantluang) leh Chheihlam te an entir a. Zaithiamten hun an hmang bawk.

<><><>

SUPPLY MINISTER

Food Civil Supplies & Consumer Affairs Minister Pu B.Lalchhanzova chuan Hailakandi district a Killarbak khaw bula Tlawng lui lianin Railway Track a tih chhiat chu a hmunah nimin khan a tlawh a. Railway track chhia hi Indian Railway lam chuan siam that tumin hma an la mek a ni.

Minister Pu B. Lalchhanzova lo dawngsawngtu Pu Sankalp Aggarwal , Dy CE, Indian Railway chuan Jamira Railway station bul mai a tuilianin rel kawng a tihchhiat chu siam tha turin theih tawp chhuahin chhun zan zawma an

thawh thu sawiin, Minister hi a hmun a tlawhpui nghal a. Railway hotute leh hna thawktuten October thla chhungin an hna zawh hman an tum thu Minister hi an hrilh a ni.

Pu B Lalchhanzova chuan tuilianin rel kawng a tih chhiat dan te a en hnu ah siamthat an tum dan plan te a thlir a. Chawllova hna an thawk chu fakawm a tih thu a sawi a. Rel kawng chhia chu Mizoram bakah Churachanpur lam buhfai supply luhna hnuk pawimawh tak anih angin siamthat thuai anih theih nan tan la leh zual turin a chah a. A hmun atang hian Pu PR Kumar, DRM/Lumding pawh phone a be pawp nghalin Rail kawng chhia chu Siamthat thuai anih theih nan tan la sauh sauh turin a chah a ni.

Minister hian Gharmurra hmuna Synod Mission Compound chu tlawh nghal in thawktute nen in kawm hona an neia. Tawngtaina hun te hmangin a tul apianga an hman atan Presbyterian Mission School Headmaster Pu HC Laldinmawia kutah Cheng Singkhat a hlan bawk a ni.

<><><>

KOLASIB

National Highway 306 leh 06 thawmthat hnathawh kal mek viltute chu nimin khan Kolasib DC Conference Hall ah Pu Robert C Lalhmangaiha, Kolasib DC kaihhruaiin an thukhawm a,

Kolasib District chhung a National Highway 306&06 kawng chhia avanga Kolasib District Truck Owners Association leh JAC Co Ordination Committee te ina National Highway Road Block August ni 22, 2024 a an neih hnua inremna leh hna chak zawk a thawk tura intiamkamna lehkha August ni 23, 2024 a an ziah; an hun tiamkam chhung a zawh tawh avanga an hmalakna thlirletna review meeting a ni a. He hunah hian JAC te chuan kawng siam that kal mek an vil na atanga an hmuh dan leh rawtna te an tarlang a, MPWD leh NHIDCL ten an hmalak tawhna report an pe bawk.

Kolasib DC chuan kalkhawmte chu chibai bukin vawiin a an thutkhawmna chu ram hnukkhawih thil a nih avangin tihtakzeta an ngaihtuah a tul a ni, a ti a. Tun hnaiah kawng chhia avangin mi tamtak in harsatna an tawh a, Lirthei lian duh anga a tlan theih loh avangin Mizoram ah tuialhthei leh ei leh bar ah hatsatna a thleng mek a, he harsatna sukiang tura theihtawp chhuahtu KDTOA leh JAC co ordination committee te chungah lawmthu a sawi bawk. DC chuan tun dinhmunah harsatna hrang hrang avangin kawng chu duhthusam la ni lo mahse hmasawmna a awm chho zel a a hriat thu sawiin, theihtawp a tan la leh zual turin NHIDCL leh PWD hotute a chah bawk.

KDTOA leh JAC co ordination Committee te hian an report a an tarlan danin kawng chu an intiamkamna anga chhut in MPWD NH Div 3 chan ah hmalakna zaa 55 vel leh NHIDCL chanah hmalakna zaa 45 vel hmu ah in ngai in theihtawp a tan an lak zual zel a ngai a ni, an ti a. Hemi chungchangah ah hian Pu Saksham Tyagi, Manager (P) NHIDCL chuan NHIDCL hnathawh dan tlangpui sawilangin NHIDCL chuan Development work, Furlane ah a insawrbing a, maintenance atan hian fund a tlem hle a chu vang chuan hna thawh a harsat thu a sawi a. An harsatna liantham a tarlan zingah Quarry neitute hnathawhna avanga kawng leh side drain a an stone dust leh lei nawi tla nasa lutuk chuan hnathawh a tih harsat bakah tui nasa takin a tling thin a, chu

chuan hmasawna a ti muang hle a ni, a ti a. Black Topping na tur tender pawh tunah hian chhang tan an awm nual tawh a, November thla atangin Black topping pawh hmun thenkhat laiah kalpui tan theih a ni tawh ang a ti bawk.

<><><>

NASHA MukT BHARAT ABHIYAAN

Nasha MukT Bharat Abhiyaan, Aizawl District hnuaiiah ruihhlo hmansual laka hmeichhiate ven dan tur, zirtir tur te training, Master Trainers Training on 'Drug Abuse Prevention among women' chu Aizawl DC Conference Hall- ah nimin khan neih a ni a. He hun hi Aizawl DC Pu Lalhriatpuian a hawng.

Nasha MukT Bharat Abhiyaan (Drug Free India Campaign) hi central sawrkar hmalakna niin ruihhlo ti mek ten damna kawng an zawh theihna tura puih leh a la ti ve lote venhim hi a tum ber a ni a. Master Trainer mi 17 thlanchhuah te hnenah training hi pek a ni.

DC chuan ruihtheihthil do kawngah demand reduction – ruihtheihthil duhna leh mamawhna lama awmza nei a thawk tur chuan rilru puthmang leh nunphung thlak a pawimawh thu a sawi a. Ministry of Social Justice & Empowermenttangkawp in kum 2019 khan India ram puma ruihhlo hmansual dan zirchianna 'Magnitude of substance use in India 2019' chungchang sawiin, chuta a landan chuan Mizoram chu India ram pumah opiods kaihhnawih hmansual ah a san ber thu a sawi a. A lungchhiat thlakin inenlet a hun tawh takzet a ti a. Mizoram chu ruihtheihthil tawlhrukna kawnga a awm avangin a vanduai a ni, a ti a. Heng zawng zawng hi ngawrh lehzual zawka ruihhlo kan do a, ruihhlo avanga harsatna tawkte kan puih kawnga tan min lak tirtu ni se tiin training hlawkthlak tak an neih a duhsak thu a hlan.

Aizawl District Nasha MukT Bharat Abhiyaan chuan Hmeichhe zinga ruihhlo leh a kaihhnawih chungchang zirtirna uar taka kalpui tha a tih avangin hemi kawnga hma lo la turin sub-committee on 'Drug Abuse Prevention among Women' chu a din a. MHIP General Headquarters te nena tangkovin hma an la mek a ni. Phase I ah khan Mizoram ah pawh district pathum thlan niin Aizawl, Champhai leh Kolasib ah te hma lak a ni. Tin, Phase II ah hian district 100 tihbelh lehin tunah hian Nasha MukT Bharat Abhiyaan hi District 372 ah kalpui mek a ni a, Mizoramah pawh district zawng zawng (11) a rawn huam ta a ni. District tinah hian Deputy Commissioner te hi he campaign ah hian Chairman an ni bawk.

<><><>

HOME MINISTER

Home Minister Pu K. Sapdanga chuan nimin khan Dungtlang Police Station a tlawh a. Dungtlang PS a thawktute kawmin venhimna kawnga hmalakna tha zawk neih dan tur an sawiho a ni.

He hunah hian Home Minister chuan Police-te chu ram venhimna kawnga hmahruaitu an ni tih in hre reng turin a chah a. Dan leh thupek kenkawh kawngah hna an thawh chak theih nan khawtlang leh tlawmngai pawl hruaitute nen inlaichinna tha neih a pawimawh tih hre reng turin a chah bawk a ni.

Dungtlang Police Station hi January 9, 2020 khan din a ni a. Tun dinmunah thawktu mi 11 - Sub Inspector - 1, Asst Sub Inspector - 1, Head Constable - 2, Constable - 5, Naik - 1 leh Driver - 1 an awm. Kum 2024 chhung hian Case 27 an ziak lut tawh a, heng zingah hian ND&PS Act hnuaiah Case 4 leh Kuhva ro Quintal 135 an man te a tel a ni.

<><><>

SAITUAL DCC

Saitual DC Dr Lalngura Tlau hovin Saitual DC Conference Room-ah District Consultative Committee meeting nimin khan neih a ni a, he hunah hian Saitual District chhunga Bank 10 awmte atangin Bank Branch 6 aiawhte an tel thei a ni.

He thutkhawmnaah hian Chairman Dr Lalngura Tlau chuan CD Ratio tisang tura òan la thar turte, sum lengvak a tam chuan mipui an changkan òin thute, digital transaction uar deuh deuh tur leh chu chu mahni tana hlawkna zel tur a nih thute a sawi a, sawrkar scheme tha tak tak awm thinte pawh a thlenna tur a thleng thin lova, hre tur a ngaihte'n an hre tawh thin lo a ni tiin awareness chu uar leh zuala kalpui turin a chah bawh. Line department leh Bank lamte pawh thawhhona òa zawk nei turin a chah bawh.

He thutkhawmah hian thurel 10 neih a ni a, chung zingah chuan Credit Deposit Ratio (CD Ratio) hniam tihsan dan turte, bank venhimna chungchanga armed security, fire extinguisher leh Fire and Electrical Audit-te, Annual Credit Plan (Priority Sector lending)te, Agriculture Advances(ACP) ,SHG-Bank linkage hmasawna te, Govt Sponsored Schemes chi hrang hrang - NRLM,NULM,PMEGP,SUI etc te, PMMY(Mudra) loan te, Financial Literacy Campaign leh Social Security Schemes (PMJJBY&PMSBY) bakah bank hrang hrangten Non Performing Assets (NPA) an neih dante thlir ho a ni.

He hunah hian Pu Robert Zosangliana, LDM, Convener pawhin branch manager te chu an loan pek chhuahte leh guarantor chungchangah, mipuite tana harsatna siam lo tur in a chah a, loan rul òa lote avanga bank lamin harsatna an tawh thu leh chu chuan mipuite ah vek a nghawng let òin thu a sawi chhuak bawh.

<><><>

ABDM

Kum thum kalta chhungin Ayushman Bharat Digital Mission (ABDM) hnuaiah Ayushman Bharat Health Accounts- ABHA vaibelchhe 67 siam a ni. Nimin khan digital healthcare mission hian kum thum a tling chiaah a. Union Health Ministry sawidanin he mission hnuaiah hian health record vaibelchhe 42 chuang chu ABHA nen thlunzawm a ni tawh tih sawiin inenkawlina peng chi hrang hrang nuai 1.3 chuan ABDM hnuaiah an awm a. National Healthcare Providers Registry ah hmanrau nuai 3 chuang leh enkawltu mithiam nuai li leh sing 7 chuang ziahluh an ni tawh bawh niin Union Health Ministry chuan a tarlang a ni.

<><><>

ISRAEL-LEBANON

Kar khat dawn Israelin Labanon a beih hnuah mi 700 chuang an thi tawh. Labanon health ministry sawi danin Hezbollah te bituma Israel-in

ngawrh takin beihpui an thlak a.Mi nuai 2 chuangin an chenna an tlanhhiatsan tawh bawk a ni. Hetihlai hian Israel sipaite chuan Hezbollah sipaite inkhuarna hmun an bitum bik tih an sawi a. Civil mi thi an pun chhoh zel avangin khawvel ramdangin an ngaimawh tan hle nia hriat a ni.

<><><>

PM MANN KI BAAT

Prime Minister Narendra Modia chuan tun Pathianni chawhma dar 11 khian Akashvani kaltlangin mipuite hnena thu a sawina Mann Ki Baat programme a hmang leh dawn a. Mizo tawnga lehlinin a zui ang.Tun tum ami hi episode 114-na tur a ni.

Akashvani leh Doordarshan, AIR News website leh newsonair mobile app ah te ngaihthlak theih a ni ang a. AIR News, DD News, PMO leh Information and Broadcasting Ministry Youtube channel ah te livestream a ni ang.

<><><>